



Innkalling til Kommunestyret

Møtedato: 27.04.2016
Møtestad: Kommunestyresalen
Møtetid: 17:00 – NB! **Temamøte kl. 14:00**

Medlemmene i kommunestyret vert med dette kalla inn til møtet. Den som har lovleg forfall, eller er ugild i nokon av sakene, må melde frå så snart råd er på forfallskjema på kommunen si heimeside, slik at varamedlem vert innkalla.

Varamedlemmer møter berre etter nærare avtale.

Dokument som ikkje er tilsende, kan du få kopi av på dokumentsenteret. Dokument som ikkje er offentlege, vil bli utlevert i møtet. Dersom medlemmene på førehand ynskjer å gjera seg kjend med innhaldet i desse dokumenta, er dei tilgjengeleg på dokumentsenteret.

Sakliste

Saknr	Tittel
29/2016	Godkjenning av innkalling og sakliste
30/2016	Godkjenning av møtebok
31/2016	Referatsaker
32/2016	Orientering om status kommunestruktur
33/2016	Rekneskap og årsmelding 2015
34/2016	Budsjettendring, tilleggsløyving investeringsbudsjett - Ombygging Marihøna Barnehage
35/2016	Busetting av einslege mindreårige flyktningar 2016 og 2017
36/2016	Miljøsertifisering av Meland rådhus - finansiering
37/2016	Plan for forvaltningsrevisjon
38/2016	Søknad om tilskot til utbygging av breiband 2016

10. mai 2016

Øyvind Oddekalv
ordfører

Randi Helene Hilland
konsulent

Sakspapir

Saksbehandlar	Arkiv	ArkivsakID
Randi Helene Hilland		16/859

Saksnr	Utvalg	Type	Dato
29/2016	Kommunestyret	PS	27.04.2016

Godkjenning av innkalling og sakliste

Saksopplysninger:

Framlegg til vedtak:

Innkalling og sakliste vert godkjent.

Sakspapir

Saksbehandlar	Arkiv	ArkivsakID
Randi Helene Hilland		16/859

Saksnr	Utvalg	Type	Dato
30/2016	Kommunestyret	PS	27.04.2016

Godkjenning av møtebok frå møte 16.03.16

Vedlegg:

Protokoll - Kommunestyret - 16.03.2016

Saksopplysningar:

Framlegg til vedtak:

Møtebok frå møte 16.03.16 vert godkjent.

Sakspapir

Saksbehandlar	Arkiv	ArkivsakID
Randi Helene Hilland		16/859

Saksnr	Utvalg	Type	Dato
31/2016	Kommunestyret	PS	27.04.2016

Referatsaker

Underliggende saker:

Saksnummer	Tittel
31/2016.1	Kontrollutvalet Meland - Møteutskrift frå møte 09.02.16
31/2016.2	Brannsamarbeid i bergensregionen - Nyhetsbrev Prosjektinfo, Utgave 1 d. 15.04.16
31/2016.3	Opplæringskontoret for Nordhordland - Årsmøteprotokoll frå årsmøte 13.04.16
31/2016.4	Protokoll Regionråd 3-2016, 01.04.16

Saksopplysningar:

Framlegg til vedtak:

Meldingane vert tekne til orientering.

Sakspapir

Saksbehandlar	Arkiv	ArkivsakID
Ingveild Hjelmtveit		16/859

Saksnr	Utvalg	Type	Dato
32/2016	Kommunestyret	PS	27.04.2016

Orientering om status kommunestruktur

Saksopplysningar:

Framlegg til vedtak:

Sakspapir

Saksbehandlar	Arkiv	ArkivsakID
Per Inge Olsen	FE - 004	16/932

Saksnr	Utvalg	Type	Dato
31/2016	Formannskapet	PS	20.04.2016
33/2016	Kommunestyret	PS	27.04.2016

Rekneskap og årsmelding 2015

Vedlegg:

Årsrekneskap for Meland kommune 2015

Årsmelding 2015 Meland kommune

Melding frå Revisor - Uttale om årsrekneskapen for 2015

Årsrekneskapen 2015 - Revisjonsrapport nr. 13

Særutskrift frå sak 14/16 i Kontrollutval 11.04.16 - Uttale til årsrekneskapen for 2015

Til revisor - uttale frå leiinga rekneskapen 2015 Meland kommune - sign 10.03.2016

Saksopplysningar:

Meland kommune leverer i 2015 som i dei 2 føregåande år eit svært godt resultat, totalt kr 9,1 mill betre enn budsjett. Kommunen har eit netto driftsresultat på kr 16,2 mill, som er 3,14% av sum driftsinntekter, noko som er kr 2,0 mill betre enn i 2014, då netto driftsresultat vart på kr 14,2 mill (2,91% av driftsinntektene).

Kommunen budsjetterte i 2015 med kr 5,4 mill i avsetjing til disposisjonsfond. Avsetting er gjort som budsjett, og vi har igjen eit ikkje disponert mindreforbruk på kr 9,1 mill. Såleis kan vi seie at vi reelt har eit overskot for 2015 på kr 14,5 mill.

Netto driftsresultat på kr 16,2 mill er disponert slik etter krav i lover og forskrifter:

kr 3,1 mill Bruk av tidlegare års mindreforbruk (avsetning av overskotet frå 2014 til disp.fond)

kr 4,5 mill er bruk av bundne fond

kr 6,2 mill er avsetning til bundne driftsfond

kr 8,5 mill er avsetning til disposisjonfond (overskot frå 2014 og budsjettert overskot i 2015)

Etter dette sit kommunen igjen med eit netto mindreforbruk (overskot) på kr 9.100.447,46, som rådmann gjer framlegg om å avsetje til disposisjonsfond.

Kommunen sin investeringsrekneskap viser at det er føreteke investeringar i anleggsmiddel på kr 31,2 mill, av dette er kr 12,8 mill til vassverk og avlaupsanlegg. Utlån og forskoteringar, avdrag på lån og avsettingar er på til saman kr 9,1 mill, slik at årets finansieringsbehov i investeringsrekneskapen er på kr 40,3 mill. Revidert budsjett var på kr 60,2 mill, slik at det brutto i 2015 er ført kr 19,9 mill mindre i investeringsrekneskapen enn budsjettert. Dette skuldast forskyvning av ein

del prosjekt frå 2015 til 2016, og det er allereie gjort budsjettendringar i 2016 for korrigere for desse forskyvingane.

Framlegg til årsmelding for 2015 og årsrekneskap for 2015 følgjer som vedlegg til saka. Desse gjev ei utfyllande forklaring til resultatet og kommentarar til drifta.

Framlegg til vedtak:

1. Rekneskapen for Meland kommune for 2015 vert godkjent i samsvar med revisor si melding med eit rekneskapsmessig mindreforbruk på kr 9.100.447,46.
2. Mindreforbruket for 2015 på kr 9.100.447,46 vert å avsette til styrking av kommunen sitt disposisjonsfond.

Saka skal handsamast i formannskapet 20.04.16. Framlegg til vedtak frå formannskapet vert lagt fram i møtet.

Sakspapir

Saksbehandlar	Arkiv	ArkivsakID
Per Inge Olsen		16/935

Saksnr	Utvalg	Type	Dato
32/2016	Formannskapet	PS	20.04.2016
34/2016	Kommunestyret	PS	27.04.2016

Budsjettendring, tilleggsløyving investeringsbudsjett - Ombygging Marihøna Barnehage

Saksopplysningar:

Bakgrunn

Marihøna Barnehage får frå hausten 2016 ei stor auke i små born, og ein mindre del store born enn korleis fordelinga har vore tidlegare. Dette er svært utfordrande i forhold til lokalitetane i barnehagen slik dei er i dag, og det er trong for å gjere følgjande mindre ombyggings- og oppgraderingsarbeid i barnehagen.

- Nytt vognskur. I dag vert barnevogner plassert inne i barnehagen, og det er rett og slett ikkje plass til det tal på vogner vi vil ha frå hausten 2016.
- Nye og meir funksjonelle garderobeløysingar.
- Ny vaskerenne med armaturar.
- Avgrense eit rom i stor avdeling, med ny vegg og skyvedør. For å tilpasse drifta til at det er fleire små born.
- Diverse ombygging innvendig, knytt til dei nye garderobane, flytting av eksisterande skap, nye stellebord etc.

Arbeidet må starte i april/mai om ei skal klare ferdigstilling i juni 2016, slik at barnehagen er ferdig oppgradert til barnehagen opnar etter ferien. Prisestimat for alle arbeider: kr. 320 000 eks. mva, kr. 400.000,- inkl. mva.

Vurdering

For kunne tilby barnehageplass til alle søkjarar frå hausten 2016 er dette eit heilt naudsynt tiltak. Vi klarte dessverre ikkje forutsjå i budsjetthandsaminga i haust at vi skulle få ein så stor auke i små born, og det vart difor ikkje lagt inn investeringsmidlar til slik oppgradering.

Konklusjon

Investeringsbudsjettet må aukast for å kunne gjere naudsynte tiltak.

Framlegg til vedtak:

«Kommunestyret godkjenner at det vert gjort endringar i budsjettet for 2016 slik:

Investeringsbudsjettet for 2016 vert auka med kr 400.000,-, til nytt prosjekt: Ombygging Marihøna Barnehage.

Finansiering:

1. Auke i bruk av lånemidlar: 320.000,-
2. Auke i mva-refusjon kr 80.000 »

Saka skal handsamast i formannskapet 20.04.16. Framlegg til vedtak frå formannskapet vert lagt fram i møtet.

Sakspapir

Saksbehandlar	Arkiv	ArkivsakID
Arngunna Haga	FA - F30	15/2304

Saksnr	Utvalg	Type	Dato
34/2016	Formannskapet	PS	20.04.2016
35/2016	Kommunestyret	PS	27.04.2016

Busetting av einslege mindreårige flyktningar 2016 og 2017

Vedlegg:

Oppmoding om busetting av flyktningar i 2016 - Meland kommune

Busetting av flyktningar

Rundskriv 01 2015 - Integreringstilskudd for år 1 og år 2-5 i 2015

Oppmoding om busetting av flyktningar

Busetting av flyktningar med bakgrunn i dagens flyktningkrise

KS sak 57.2014 Busetting flyktningar 2014-2017

NOTAT - Busetting av flyktningar

Saksopplysningar:

Bakgrunn

Vi viser til brev frå fylkesmannen i Hordaland datert 20.11.16 om flyktningssituasjonen i dag og trong for auka busetting av flyktningar og ein auka prioritering av busetting av einslege mindreårige i kommunane.

Meland kommune vert no oppmoda om å auke tal på flyktningar som skal busetjast utover gjeldande ramme/måltal som er gjeve i kommunestyret sak 15/2304: Busetting av flyktningar.

Status

- Meland kommune busette 30 flyktningar i 2015 i tråd med vedtaket i kommunestyret.
- Måltalet for 2016 er å busetje 30 flyktningar. Vi har til no busett kun 1 flyktning. Grunnen til at det ikkje er busett fleire i år, er fordi det sit mange i mottak, men dei har ikkje fått vedtak om opphald og er difor ikkje busettingsklare. I tillegg er det kome 1 barn og 1 vaksen til Meland på familiegjenforening.

Vurdering

Meland kommune har vedtak på at det skal busetjast 30 flyktningar kvart år 2016 og 2017 og for 2018 og 2019 er det vedtatt at Meland kommune skal busetje 25 kvart år. Nye oppmodingstal frå Integrerings- og Mangfoldsdirektoratet (IMDI) er at Meland kommune vert oppmoda om å busetje 35 flyktningar totalt i 2016 der 10 av desse er mindreårige flyktningar. Vidare vert Meland oppmoda om

å busetje 40 flyktningar i 2017 der 16 er mindreårige flyktningar.

I desember 2015 opplyste IMDI i brev til alle kommunar at det i 2016 blir trong for å busetje omlag 4400 einslege mindreårige flyktningar, der ca. 900 av disse er under 15 år. Busettingstala for 2016 er no nedjustert til 2700 einslege mindreårige på landsbasis (opplyst på møte hos fylkesmannen 06.04). Det er vel 100 born under 15 år som skal busetjast i region vest i 2016. Det vert antyda at tala for 2017 med bustting av 7000 einselege mindreårige ligg fast.

Einslege mindreårige er ei fellesnevning på alle born og unge under 18 år som kjem til landet utan foreldre eller andre vaksne med foreldreansvar i Norge. Dette inkluderer og dei som kjem til landet i fylgje med andre vaksne, f.eks tante, onkel, men som ikkje er deira foreldre.

Einslege mindreårige som er mellom 15-18 år når dei kjem til Norge og søker asyl får tilbod om å bu på asylmottak for einslege mindreårige i regi av Utlendingsdirektoratet(UDI). Dei som er under 15 år får tilbod om plass på eit omsorgssenter for mindreårige i regi av Barne- ungdoms- og familietaten(Bufetat). Dei som får opphald skal snarast råd busetjast i ein kommune.

I følge IMDI er det mange barn under 15 år som sit i omsorgssenter og ventar på å få busetjingskommune, og Bufetat oppmodar kommunane til å prioritera dei yngste i busetjingsarbeidet då det er særleg uheldig for dei å bu på omsorgssenter over lengre tid.

Gode bu og omsorgstiltak må leggja vekt på å gje einslege mindreårige gode, forutsigbare og trygge oppvekstvilkår på lik linje med andre barn og unge i kommunen. Målet er at dei skal bli i stand til å ta vare på seg sjølv og bli ansvarlege samfunnsborgarar. Målet forutset at arbeidet med å busetje einslege mindreårige flyktningar vert forankra i heile kommunen.

Ei gjennomgåande utfordring i busettingsarbeidet med einslege mindreårige er at det er vanskeleg å kartleggja behova hjå den enkelte før busetjinga, samtidig som det er vanskeleg å endra butiltaket etter at busettinga har funne stad, dersom det er behov for det.

Då mange einslege mindreårige er i ein sårbar situasjon er det lett å tenkja at dei vil har stort behov for kontakt med vaksne. Det er og viktig å vera seg bevisst at mange av desse ungdomane har teke vare på seg sjølv i lang tid. Det er her viktig å finna ein balansegang.

Fleire kommunar som har lang erfaring med busetting av einslege mindreårige, peikar på behovet for å ha eit differensiert og fleksibelt butiltak. Kartlegging av kvar enkelt sine behov når dei bur på mottak er vanskelig fordi konteksten på mottaket er så ulik den ungdomen vil møta ut i kommunen. Det er difor meir naturleg å tenkja at det vil bli behov for å justera butiltaket til ungdomen undervegs. Ei kjede av tiltak er derfor ei løysing som er meir realistisk vil fungera i praksis.

Det er fleire butiltak med ulik grad av oppfylgning som er aktuelle frå fosterheim for dei yngste til hyblar/kollektiv med tilsyn for dei eldste. Kva som er rett «omsorgsnivå» vil avhenge av behovet til den enkelte.

Det er eit ynskje at dei yngste får tilbod om fosterheim. Vidare er det ei rekkje kommunar som har erfaring med å etablere små bufellesskap med tett oppfylgning. Det vil seie 4-5 ungdommar i bustad, med tilsette i turnus. For dei eldste i gruppa einslege mindreårige er det vanleg med små bufellesskap med noko oppfylgning eller hybelvertiltak.

Det må vera eit hovudmål at ungdomane får raskt hjelp når dei er busette i kommunen. Å få ein

tilnærma normal kvardag snarast mogleg er svært viktig for desse borna. Mange har vore gjennom store fysiske og psykiske traume. Dei har opplevd krig, vald og flukt. Mange har stort sakn etter familie og vener, og samtidig er det viktig å huska på at dette er barn og ungdom med ressursar som ynskjer å vera lik alle andre. Desse barna har dei same grunnleggjande behov som norske barn som står utan foreldre. Mange er sårbare og dei treng å møte trygge vaksne der dei bur. Like viktig er det at dei møter trygge og gode vaksne på skulen, i nærmiljøet og i hjelpetenestene. Busetting av einslege mindreårige vil krevje god og koordinert innsats frå heile kommunen.

Vi opplever godt samarbeid og stort engasjement frå frivillige i lag og organisasjonar rundt busetting av flyktningane. Born og unge flyktningar er generelt sårbare, og einsleg mindreårige ekstra sårbare. Meland kommune vil samarbeida med frivillige om å finna gode løysingar for at borna og dei unge raskt skal føla seg godt tatt vare på, og inkludert i lokale aktivitetar. Meland kommune har eit rikt og mangfaldig kulturliv. Organisasjonslivet skapar aktivitetar på tvers av grupper, og er ein viktig arena for integrering.

Ein finn meir aktuell informasjon om dei ulike arbeidsoppgåvene relatert til busettingsarbeidet jamfør link [IMDI kommunes arbeid med busetting av flyktningar](#)

Økonomi

Kommunen mottok integreringstilskot som skal medverka til rask busetjing. Integreringstilskotet skal gje ei rimeleg dekking av kommunane sine meirutgifter ved busetjing og integrering frå busetjingsåret og dei neste fire åra.

Integreringstilskotet skal mellom anna finansiera kommunen sine gjennomsnittlege utgifter knytt til flyktningkontortenester, sysselsettingstiltak, arbeidstrening, sosiale tenester, introduksjonsstønad, tolketenester, integreringstiltak i barnehage og skule, utgifter til kommunale helsetenester, kultur og ungdomstiltak osv. Kommunar som buset einslege mindreårige mottok i tillegg særskilt tilskot.

Stortinget fastset kvar år satsar for integreringstilskotet og for 2016 gjeld fyljande satsar for 1 året einslege mindreårige blir busett:

Integreringstilskot År 1. : 184 000

Særskilt tilskot pr EMF : 207 000

Tilleggstilskot for 2016 : 100 000

Totalt år 1: : 491 000

Særskilt tilskot vert differensiert etter når på året dei einslege mindreårige vert busett i kommunen. Vert dei til dømes busett i august, får kommunen utbetalt 125 372 i særskilt tilskot for 2016.

I tillegg til tilskota frå IMDI refunderer staten delar av utgiftene til kommunale barnevernstiltak for einslege mindreårige. Målet med den statlege refusjonsordninga er at einslege mindreårige asylsøkjjarar og flyktningar som har behov for tiltak etter barnevernlova, får naudsynt hjelp og omsorg til rett tid, får trygge oppvekstvilkår og rask busetting og integrering.

Refusjonsordninga trer i kraft etter ei konkret og individuell vurdering av om den einslege mindreårige har behov for barnevernstiltak jfr barnevernlova § 3-4, andre ledd.

Refusjonsordninga gjeld for barnevernstiltak etter barnevernlova §§ 4-4, 4-6, 4-8 og 4-12 og dekkjer utgifter i tråd med «Oppgave- og finansieringsansvaret mellom stat og kommune rundskriv Q-06/2007». Det er gjort særlege avklaringar med omsyn til nokon utgifter.

Refusjonsordninga gjeld ut frå kommunens sine nettoutgifter. Det vil seia at kommunen til dømes må ta omsyn til barnetrygd, bidragsforskot og eventuelt andre refusjonar frå til dømes NAV.

Rådmannen vurderer at dei tilskotsordningane som vi kjenner i dag skal kunne dekke dei utgiftene kommunen har dei første åra. Korleis dette vil sjå ut på sikt, utover dei første fem åra, avheng mellom anna av om kor godt den enkelte finn seg til rette og vi lukkast med busettingsarbeidet.

Rådmannen vurderer at arbeidet med busetting av einslege mindreårige i oppstarten bør organiserast som eit prosjekt. Prosjektgruppa skal i prosjektfasen koordinere busettingsarbeidet, setja i gong tiltak, utarbeide kriterier for butiltaka og definere grenseoppgongar mellom tiltaka og dei ulike tenestene.

I prosjektet skal det:

1. Avklarast organisatorisk og administrativ organisering av einslege mindreårige tiltak i Meland kommune
2. Val av butiltak for einsleg mindreårige
3. Konsekvensar for andre kommunale tenester ved mottak av einslege mindreårige
4. Klargjere dei økonomisk tilhøva ved mottak av einslege mindreårige

Konklusjon

Rådmannen rår til at Meland kommune aukar ramme/måltal for busetting av flyktningar i perioden 2016-2017 slik at ein for 2016 tek i mot totalt 35 flyktningar inklusiv 10 einslege mindreårige flyktningar. Vidare at ein for 2017 tek i mot totalt 40 flyktningar inklusiv 16 einslege mindreårige flyktningar. Det er ein føresetnad at kommunen klarer å etablere tilstrekkeleg tal bustader i perioden. Tilrådinga er tufta på samfunnsansvaret til Meland kommune med auka tilstrømming av flyktningar til landet der situasjonen er særst vanskeleg for dei einslege mindreårige.

Framlegg til vedtak:

1. Måltalet for busetting av flyktningar i 2016 skal vere samla 35 inklusiv 10 einslege mindreårige.
2. Måltal for busetting av flyktningar i 2017 skal vere 40 inklusive 16 einslege mindreårige.
3. Måltal for busetting av flyktningar i perioden 2018-2019 er 25 kvart år. Jamfør KS 97/2015.
4. Når det gjeld mottak av einslege mindreårige flyktningar får rådmannen ansvar for å etablere eit prosjekt som tek særskilt omsyn til tenesteorganisering, busettingsarbeid om omsorgsansvar for målgruppa.

5. Det er ein føresetnad for måloppnåing at kommunen jamfør punkt 1-4 klarer å etablere tilstrekkelig tal bustader i tenlege bumiljø i perioden. I tillegg må kommunen nytte integreringstilskot til å sikre kapasitet i ulike tenestetilbod utifrå dei individuelle føresetnadene til flyktningane.
6. Meland kommune opprettheld prinsippvedtak i kommunestyret sak 108/12. Integreringstilskot skal til ei kvar tid øyremerkjast ressursbruk relatert til busettings- og integreringsverksemd.

Saka skal handsamast i formannskapet 20.04.16. Framlegg til vedtak frå formannskapet vert lagt fram i møtet.

Sakspapir

Saksbehandlar	Arkiv	ArkivsakID
Berit M.Eskeland	FE - 031	16/462

Saksnr	Utvalg	Type	Dato
40/2016	Formannskapet	PS	20.04.2016
36/2016	Kommunestyret	PS	27.04.2016

Miljøsertifisering av Meland rådhus - finansiering

Saksopplysningar:

Bakgrunn

Det vart i kommunestyret den 16.12.2015 i sak 140/2015 vedteke at administrasjonen skulle setje i gang miljøsertifisering av rådhuset i 2016 og søkje tilskot for sertifiseringa frå Hordaland fylkeskommune.

Vurdering

Administrasjonen har vinteren 2016 utgreidd nærare kva ei miljøsertifisering vil innebære. For Meland kommune er det Miljøfyrtårn ordninga som vil vere aktuell sertifiseringsordning. Standard sertifiseringsmodell består av seks trinn:

Steg	Skildring
Initiativ	Konsulent for prosessen vert kontakta for å kome i gang
Miljøanalyse	Ei intern arbeidsgruppe saman med konsulent gjennomfører ein analyse av nå-situasjonen på temaer som HMS, innkjøp, transport, energibruk og avfalls- og utslepsshandtering ol.
Handlingsplan	Arbeidsgruppa og konsulent lagar ein handlingsplan som viser kva som må gjerast for å bli Miljøfyrtårn
Rapport	Ferdigstilling av miljøanalyse med handlingsplan
Implementering	Tiltaka i handlingsplanen blir satt i verk
Godkjenning	Verksemda vert godkjent og sertifisert av ein uavhengig sertifisør

I etterkant av sertifiseringa skal arbeidet følgjast opp med miljørapportering kvart år. Miljørapporten skal vise dei konkrete resultata av miljøtiltaka som er gjennomført, og sette framtidige mål for miljøarbeidet. Miljøfyrtårnsertifikatet er gyldig i tre år, og verksemda må deretter resertifiserast.

Det er utarbeidd eit foreløpig budsjett for miljøsertifiseringa på ca 100 000 kr. Dette budsjettet inneheld alle kjente kostnader som utgifter til konsulent, sertifisering og etableringsgebyr. I tillegg ligg det inne kostnader til energimerking av rådhuset som vi veit vil bli eit krav i handlingsplanen. Det vi ikkje veit er kva andre krav som vil kome som ein følgje av handlingsplanen. Dette kan f.eks vere utstyr til kjeldesortering. Administrasjonen reknar med at desse kostnadene vil overstige foreløpig budsjett for sertifiseringa, men dei vil først vere kjent når handlingsplanen føreligg. I tillegg kjem interne kostnader til arbeidsgruppa.

Administrasjonen har søkt om tilskot frå Hordaland fylkeskommune for miljøsertifisering av Meland rådhus, og fått innvilga inntil 50 000 kr i tilskot. Ettersom budsjettet for sertifiseringa er på ca 100 000 kr må kommunen dekke 50 000 kr sjølve.

Folkehelse – ikkje relevant

Miljø – målet for sertifiseringsordninga er å gi positive miljøgevinster

Økonomi – omtalt over

Framlegg til vedtak:

«Kommunestyret godkjenner at det vert satt i gang ein prosess med å få miljøsertifisert rådhuset. Driftsramma for tenesteområdet plan, utbygging og kommunalteknikk vert auka med kr 50 000 for å dekke dei kjente utgiftene til arbeidet. Dette vert finansiert med å redusere avsetning til disposisjonsfondet med kr 50 000, frå 1 mill til 0,95 mill i 2016. Ytterlegare kostnader til arbeidet må fremmast som eiga sak når handlingsplanen for arbeidet er godkjent.»

Saka skal handsamast i formannskapet 20.04.16. Framlegg til vedtak frå formannskapet vert lagt fram i møtet.

Sakspapir

Saksbehandlar	Arkiv	ArkivsakID
Ingvild Hjelmtveit	FE - 217	15/2773

Saksnr	Utvalg	Type	Dato
37/2016	Kommunestyret	PS	27.04.2016

Plan for forvaltningsrevisjon

Vedlegg:

Plan for forvaltningsrevisjon - særutskrift sak 07/16 i møte 09.02.16 i Kontrollutvalet
Sakspapir 07.16 - Overordna analyse Meland 2016

Saksopplysningar:

Bakgrunn

Viser til saksutgreing for kontrollutvalet.

Framlegg til vedtak:

Kommunestyret prioriterer følgjande område for forvaltningsrevisjon i denne kommunestyreperioden:

- Barneverntenesta i Meland kommune
- Helsetenesta for barn og ungdom og skulehelsetenesta
- Etikk – og korleis arbeider kommunen med problemstillingane knytt til etikk og varsling i organisasjonen?
- Vedtaksoppfølging . har kommunen system som sikrar at vedtak vert følgt opp?

Kommunestyret gir kontrollutvalet fullmakt til å endre på prioriteringane og eventuelt velje andre prosjekt dersom det skulle bli meir aktuelt.

Sakspapir

Saksbehandlar	Arkiv	ArkivsakID
Berit M.Eskeland	FA - N64, FE - 233	16/606

Saksnr	Utvalg	Type	Dato
38/2016	Kommunestyret	PS	27.04.2016

Søknad om tilskot til utbygging av breiband 2016

Saksopplysningar:

Bakgrunn

Meland kommune har på ny høve til å søkje om tilskot til breibandsutbygging frå Nasjonal kommunikasjonsmyndigheit. Det er tilsaman sett av 126,5 millionar til tilskotsordninga i 2016. Føremålet med ordninga er å sikre at det vert bygd ut godt breiband i heile Norge, også i område det det ikkje er lønsamt å byggje ut.

Tilskotsordninga skal sikre at midlane vert brukt slik at ein nyttar samfunnet sine ressursar på ei mest mogleg effektiv måte. Ordninga er godkjent av EFTA sitt overvakingorgan (ESA) basert på rentingslinene til EU-kommisjonen for statleg stønad til breibandsutbygging.

Søknader om tilskot til breiband vert vurdert ut i frå seks evalueringskriterium:

1. Talet på nye husstnader som får eit breibandstilbod - 30 %
2. Kostnadseffektivitet – 25 %
3. Lokal medfinansiering – 20 %
4. Plan for bærekraftig drift – 15 %
5. Betring av eksisterande breibandstilbod – 5 %
6. Kva dette har å seie for lokal samfunnsutvikling – 5 %

Det vert ikkje lagt opp til at kommunen skal gå inn og medfinansiere utbygging av breiband.

Vurdering

Kommunar som planlegg å søkje om breibandstilskot skal offentliggjere det geografiske området den planlagte utbygginga gjeld. Interesserte parter skal få høve til å gje innspel til kommunen før søknaden vert levert.

Meland kommune lyste 10.03.2016 ut høyring om utbygging av breibandsnettet på heimesidene til kommunen. Følgjande område vart føreslått prioritert av administrasjonen.

- Midtsundet – Litlebergen
- lo

Bakgrunnen for å foreslå desse områda var at det ved førre søknadrunde i 2015 vart søkt om tilskot til desse områda jf. KS.sak 40/2015, men kommunen fekk ikkje innvilga søknaden.

Frist for innspel var 10. april, og innan fristen var det kome inn 16 innspel til kommunen. I tillegg kom det inn eit par generelle innspel om at det var positivt at kommunen søkte om breibandsmidlar. Desse generelle innspela er ikkje med i opplistinga under.

Dato	Avsender	Område	Grunngjeving
11.03.2016	Kaj Alexander Johnsen	Rossland-Skjelanger	Nordlegaste delen av kommunen bør prioriterast. Dårleg og ustabil nett i dag.
12.03.2016	Andreas Marstrander	Landsvik	Ønskjer breiband
12.03.2016	Marie Iden	lo	Ønskjer breiband
14.03.2016	Eivind Reikerås	Midtsundet-Litlebergen	Dårleg linje pga lang avstand til sentral
17.03.2016	Tormod Skurtveit	Landsvik-Skjelanger	Området har så godt som ingen breibandstilgang. Nødvendig med godt internett for å ta del i samfunnet på lik linje med meir sentrale strøk
26.03.2016	Geir Einar Lohne	Eikeland	Dårleg fart på internett i dag. Mange ønskjer betre nett. Kort avstand til stader som er utbygd med fiber gir lågare utbyggingskostnader til Eikeland
26.03.2016	Oddvar Eikeland	Eikeland	Ønskjer breiband
29.03.2016	Erik Skjerve	lo	Ønskjer breiband
30.03.2016	Svein-Erik Karlsen	Nedre Fosse	Ustabil nett i dag med lang avstand til sentralen. Utbygging i området avgrensar hastigheiten ytterlegare
02.04.2016	Christen Andre Iden	lo	Ønskjer breiband
02.04.2016	Björg S. Iden	lo	Ønskjer breiband
02.04.2016	Iden Marina	lo	Ønskjer breiband
02.04.2016	Alfred Iden	lo	Ønskjer breiband
04.04.2016	Linda Aasheim + 11 underskrifter	Øvre Fosse - Fosse	Trur ikkje at det vil bli bygd ut kommersielt på Fosse. Ønskjer at området vert søkt om
10.04.2016	Knut Einar Moldekleiv	Holmeknappen	Ikkje kapasitet på kobbernettet. Vart ikkje tatt med ved førre utbygging av fiber av BKK. Gjeld 5 husstander
10.04.2016	Magne Lædre	lo	Ønskjer breiband. Kobbernettet er ustabil

Innspela omfattar 6 område. Administrasjonen meiner at det ikkje vil vere tenleg å søkje om alle områda i denne omgang ettersom dette vil krevje eit svært stort tilskot. I staden for bør kommunen

søkje om dei områda som ein vurderar har størst moglegheit til å nå opp basert kriteria satt av Nasjonal kommunikasjonsmyndigheit.

Det er stor forskjell på kor kostbart ulike område er å bygge ut. Jo meir perifert og spredt busetnad, desto dyrare vert utbygginga. Ettersom kostnadseffektivitet og plan for bærekraftig drift er sentrale kriterier, vurderar administrasjonen at det er fornuftig å søkje om område som er forholdsvis tett befolka og som ligg i nærleiken av eksisterande breibandsinfrastruktur.

Område	Vurdering
Midtsundet – Litlebergen Io	Området har forholdsvis tett busetnad og ligg nær eksisterande breibandsinfrastruktur. Vert vurdert som mest hensiktmessig å søkje om tilskot til.
Rosslund-Landsvik-Husebø-Skjelanger Fossesjøen-Øvre Fosse	Sjølv om området har den dårlegaste breibandstilgangen i Meland kommune i dag, og delar av området manglar grunnleggjande breiband, så er det svært kostbart å bygge ut på grunn av lang transportetappe for infrastruktur til eit område med spredt busetnad. Administrasjonen vurderer framleis at dette området sannsynligvis kan byggast ut kommersielt. Langeland – Sagstad område vil jo få bygd ut breiband, og det gjer det meir sannsynleg at utbygginga etterkvart kan omfatte Fosse.
Holmeknappen Eikeland	Innspelet gjeld kun 5 husstander, og området vert vurdert som for lite til å søkje om. Sjølv om utbygging av breiband på Ryland og Beitingen gir ei kortare transportetappe for utbygging på Eikeland, så er det relativt få husstander i området noko som gjer ei utbygging mindre kostnadseffektiv. Når Rylandsområdet er ferdig utbygd vil det nok bli betre hastigheit på eksisterande kobbernett ettersom nettet vil forsyne færre bustader.

Framlegg til vedtak:

«Kommunestyre vedtek at Meland kommune skal søkje om tilskot til breibanddsutbygging for følgjande prioriterte område:

1. Midtsundet-Litlebergen
2. Io»